

gionis Floridæ (ut applicato ad suam Hispanicã linguam accentu uocant Hispani Tubalei) fit ita curuum littus, ut plusquam semicirculi circumferentiam referat. A Florida ad Britonũ promontorium rectà in Euroaquilonem tractus procedit: & hinc usque ad littus Gronlandiæ pertingens, obscura cetera tam ex Asiæ Semiç'ue parte, quàm ex Gronlandiæ continenti relinquit. Mensuræ autẽ huius circumscriptionis sunt in secundo Dispunctionum libro diligenter traditæ, unà cum rebus reuera planè admirandis, quæ iam in hac utraque Atlantidis parte inuentæ sunt.

De illa uerò parte quã Chasdiam debere dici suprà notauì, nil adhuc potest referrì: nisi quis, ex eo quòd Mauros homines et nigerrimos habeat, instar Chamesiç (in qua ex Chuso filio Chamesis, alioqui albi ex coniuge alba procreato, & non loco, sed scelere patris sic infecto, sunt nati Æthiopes) dicat esse orientalem Aethiopiam, cuius ex Homero meminit Strabo. Nam in ea littoris parte quæ est reperta, sunt uisi summa nigredine homines, quales in sola Chamesia sunt.

*Primorum orbis totius habitatorum
origines.*

Quamuis nemo sic hæctenus ex omnibus Cosmographis curauit tradere origines primorum habitatorum, sed omnes aut fabulosa quædam Græcæ uanitatis somnia in quosdã deos, qui nunquam, aut pessimi nebulones fuere, retulerint habitationum primordia, aut oblatos populos sine ulla origine recitarunt: tamen quia &
temporum